



Oom Hennerik Gorrelberg hou alles fýn dop

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Prediker seg daar's 'n stilbly- en 'n praattyd – ná 120 jaar lug ek nou my mening. Lank is daar beplan aan hierdie Algemene Kerkvergadering. Ook in die SP Engelbrecht-museum. Ouderling Gorrelberg, jy word afgevaardig!

So kom ek toe uit die (Museum)kas. In die Verenigde Kerk Wonderpark. Ek voel skoon outyds in my kispak. Ten spyte van T-hemde, denims, oopnekke, voel die vergadering steeds waardig. Oom het wrintiewaar 'n dominee gesien wat saam met Oom kruisbande dra. Ds Gasson van Benoni hekel kombesies vir dié wat koud kry.

Vir die res bied die Jakarandastad 'n WARM, Daniël 3-hittegolf. Togas en tabberds by die sielvolle opening het beïndruk. Ons het ge-VONKK en Gesang, en toe dawer ons met Psalm 33, al was dit nie eens Totius nie. My maag het gegrom oor die Markustoebroodjie, die groenvykonserf en tant Esbè se vyejam. Dit sou tog positief gewees het om van ons jongmense te hoor Bybel lees.

Maar waar bloos ek toe met die sing van VONKK 484 op *I vow to thee my country* van koning Karel III. Wat sou ons voormense gesê het? Dalk omdat party van die tokkelokke Breyten geles het – maar nie Andries Breytenbach nie.

Kommerwekkend hoor ons van misoeste, wegwynende vrugteboorde en selfs 'n agteruitboerdery. Bemoedigend getuig ons steeds God is ons hulp en krag en dat ons in Hom juig. Dit hoor ons in die debatte en veral met ons besonderse samesang. Die suiwer teologie hoor Oom met gespitste ore aan en die nuwe kiekies, stilfilms en wonderlanterns op die wit gordyne verstaan Oom nie alles nie, maar dis baie mooi. Ook al die groot woorde.

By die Museum pootjie die gebrek aan elektrisiteit ons nie erg nie, maar ure sonder lig, sonder waaiers en al die 21ste-eeuse telefone en rolprentskerms was nogals 'n tameletjie.

Jong, maar wat 'n gawe span “reggeaarde” jong predikante is hier tesame. Selfs van Nieu-Seeland. Oom vergaap hom aan algar wat so dikwels praat, verstom hom aan hoedelose vroue, en manne met ringkoppe, blinkkoppe en selfs Van Riebeeck-hare. Vader Krismisse is hier ook báie. As ek als dophou en fyn luister, kom ou Gezang 22 by my op, *Ieder woelt hier om verandering* en *Zie, hoe alles hier verandert, en verlang alleen naar God*.


Tog bestaan ou tradisies steeds. Soos die lede wat dampies slaan, en met rookmussies pyp rook. Ek wonder of hulle van Witrookbank af kom? Ook krioel die termiete steeds uit gate as diesel ingegiet word. Is hier ook nog agies wat nie in die wolwehok is nie? Dikstukke word hartlik gesels, maar leë plekke sny deur harte. Klink my tog almal mis die NHSV takke se pynproewer teetydversings. Nou is dit selfhelp-boeretroos en beskuit. Die NG kostannies lyk kompleet soos die Hervormde tannies van Mev Ds van vergange, met spyse wat smaak na meer!

Amper kry ons toe 'n Geel voorsitter, want Swart en Bruin is ons nie beskore nie. Mooitjies toe ook 'n onthou-oomblik met ds Janine met-die-Italiaanse-van wat die eerste vrou op die Moderamen is.

Hervormers, hou aan groei met geloof; moenie “laat en uitasem” wees nie. Die liefde van ons Here sal seëvier. Oom sien soet vye.

Met liefhebbende groetjies
Van jul Oom Hennerik Gorrelberg
PK SPE-museum

NS: Oom hou julle fýn dop...



Mev Tienie Koekemoer



Prof Wim Dreyer



Ds Hannes van der Merwe



Ds Leon Geel (sr)



Ds Janine Bevolomanders



Dr Sanrie de Beer

Lief en leed

- **Mev CM (Tienie) Koekemoer** (96), weduwe van prof PJT (Theo) Koekemoer (oorlede 2014), is Woensdag 28 September oorlede. Sy was 'n suster van di Gert (oorlede 2010) en Willie (oorlede 2019) Roos. Ons innige simpatie gaan aan die familie.
- **Die volgende predikante verjaar tot 14 Oktober, en word hartlik geluk gewens:**

- Donderdag 6 Oktober: Di E (Etienne) Verhage (69) (emeritus) en PF (Frikkie) Viljoen (67) (emeritus)
- Vrydag 7 Oktober: Dr PJ (Paul) de Beer (83) (emeritus) en ds S (Steve) Oxton (35) (Wapadrant)
- Saterdag 8 Oktober: Prof JD (John) Gericke (81) (emeritus/Setlaars) en dr WA (Willie) Strydom (61) (Eikenhof/Johannesburg-Suid)
- Sondag 9 Oktober: Ds LJ (Sakkie) Meyer (83) (emeritus) en prof WA (Wim) Dreyer (64) (UP/SRT)
- Woensdag 12 Oktober: Di GDJ (Gert) Macdonald (53) (Nelspruit), BC (Barrie) Oberholzer (58) (Grootfontein/Tsumeb) en M (Milankie) van der Walt (59) (Namib-Suid)

Nuus uit die 73ste AKV



- **Prof WA (Wim) Dreyer**, die afgelope drie jaar visevoorsitter van die Kommissie van die AKV, is verkies tot voorsitter vir die volgende drie jaar.
- **Ds JF (Hannes) van der Merwe**, die afgelope ses jaar viseskriba van die Kommissie van die AKV, is verkies tot skriba vir die volgende drie jaar.
- **Ds L (Leon) Geel (sr)**, die afgelope drie jaar predikantslid van die Kommissie van die AKV en van 2013 tot 2016 skriba, is verkies tot visevoorsitter vir die volgende drie jaar.
- **Ds JM (Janine) Bevolomanders** is verkies tot viseskriba van die Kommissie van die AKV.
- **Dr SM (Sanrie) de Beer** is verkies tot predikantslid van die Kommissie van die AKV. Sy het ook van 2016 tot 2019 as predikantslid van die Kommissie gedien.



Dr Rudy Denton



Dr Barry van Wyk



Prof Natie van Wyk



Prof Bernard Combrink

- **Dr RA (Rudy) Denton** is verkies tot predikantslid van die Kommissie van die AKV.
- Op die openingsaand van die AKV is die **HCM Fourie-erepenning** toegeken aan **prof WA (Wim) Dreyer en dr BJ (Barry) van Wyk**. Die oorkondes aan prof Dreyer en dr Van Wyk gee erkenning vir hul toegewyde en voortreflike bydrae aan die NHKA op akademiese en kerklike terrein.
- Dinsdag 4 Oktober het prof WA (Wim) Dreyer die **SP Engelbrecht-erepenning (Goud)** oorhandig aan **prof IWC (Natie) van Wyk**. Met dié toekenning betuig die Kerkhistoriese Genootskap dank en waardering vir voortreflike kerkhistoriese navorsing in en vir die Suid-Afrikaanse konteks.
- Dinsdag 4 Oktober het dr AG (André) Ungerer 'n **oorkonde** namens die 73ste AKV oorhandig aan **prof HJB (Bernard) Combrink** as erkenning vir sy enorme bydrae op die terrein van Bybelvertaling.
- Die gesprek oor **kinders se deelname aan die Nagmaal** is reeds sedert die vroeë 1990's op die agendas van verskeie AKV's. Tydens die 72ste AKV het die Kommissie van die AKV die opdrag gegee dat verdere studie daarvoor gedoen moet word. Na 'n oomblik van stilte het die 73ste AKV deur stemming besluit om die voorstel dat Nagmaal aan kinders bedien moet word, **nie te aanvaar nie**. (Lees 'n bespreking daarvan **hier** op die Kerk se webblad.)

Gemeentes en bediening

- **Ds WA (Willem) Dreyer** (Delareyville) het 'n beroep na Groot Marico ontvang.
- **Dr C (Chris) le Roux** (emeritus) het die beroep na Stellenbosch (deelyds) aanvaar en is op 2 Oktober daar bevestig.
- Die **Kerkargief in Pretoria** is van Maandag 10 Oktober tot Vrydag 28 Oktober 2022 vir alle navrae en navorsing gesluit. Navrae sal weer vanaf Maandag 31 Oktober hanteer kan word.
- **Gemeente Delareyville: 1922-2022**
100 jaar van genade
Saterdag 12 November:
 Boeresport 15:00; dans en spitbraai 18:00; kamp by die kerk
Sondag 13 November:
 Erediens en Nagmaal 11:00; klipstapeling 12:30; vingerete 13:00
RSVP voor 1 November by:
 Kerkkantoor 053 948 1992 / Ds Willem Dreyer 082 466 5516 / NHSV 072 153 7444
- **Vakature by UP se Fakulteit Teologie en Religie. Departement Nuwe Testament en Verwante Literatuur. Sluitingsdatum 14 Oktober 2022.** Ons plaas hierby die volledige advertensie soos die Universiteit dit versoek het.



FACULTY OF THEOLOGY AND RELIGION
 DEPARTMENT OF NEW TESTAMENT AND RELATED LITERATURE
 SENIOR LECTURER / ASSOCIATE PROFESSOR / PROFESSOR
 (ONE POSITION)

In pursuit of the ideals of excellence and diversity, the University of Pretoria wishes to invite applications for the following vacancy.

The University of Pretoria's commitment to quality makes us one of the top research Universities in the country and gives us a competitive advantage in international science and technology development.

RESPONSIBILITIES

The successful candidate will be responsible for:

- Teaching at both undergraduate and postgraduate levels in the subject field of New Testament studies.
- Conducting scholarly research in the field of New Testament (and related literature).
- Supervising master's and doctoral students (if the successful candidate has a relevant doctoral degree).
- Mentoring students at undergraduate level.
- Performing academic administration and management.
- Performing other duties as delegated by the Head of the Department.

MINIMUM REQUIREMENTS

Senior Lecturer

- A relevant doctoral degree.
- At least 3 years' tertiary experience or related teaching experience.
- At least 3 publications in accredited journals.
- Evidence of conference papers delivered.
- Experience in academic administration and knowledge of departmental committees.

Associate Professor

- A relevant doctoral degree.
- At least 5 years' tertiary experience or related teaching experience.
- Experience in curriculum development and curriculum innovation.
- At least 15-20 publications in a variety of accredited journals.
- Evidence of successful research master's supervision (at least 5 successfully completed) and at least 2 successful doctoral supervisions.
- Experience in academic administration and participation in departmental committees.
- Established nationally as a scholar and researcher.

Professor

- A relevant doctoral degree.
- At least 8 years' tertiary teaching experience.
- Experience in curriculum development and curriculum innovation.
- At least 20-30 publications in a variety of accredited journals of which at least 8 should be ISI and other accredited journals.
- Evidence of successful research master's supervision (at least 10 successfully completed) and evidence of at least 4 successful doctoral supervisions.
- Experience in academic administration and participation in departmental committees.
- Established nationally and internationally as a scholar and researcher.

REQUIRED COMPETENCIES (SKILLS, KNOWLEDGE AND BEHAVIOURAL ATTRIBUTES)

- Competency in Greek would be an advantage.

ADDED ADVANTAGES AND PREFERENCES

- Membership of at least one scholarly society related to New Testament studies.
- Community involvement.
- NRF rating will serve as a strong advantage for the Associate Professor / Professor levels.

The annual remuneration package will be commensurate with the incumbent's level of appointment, as determined by UP policy guidelines. UP subscribes to the BESTMED and UMVUZO medical aid schemes and contributes 50% of the applicable monthly premium.

Applicants are requested to apply online at www.up.ac.za, and follow the link: Careers@UP.

In applying for this post, please attach:

- A comprehensive CV (utilising the UP format downloadable from the University website).
- Certified copies of qualifications.
- Names, e-mail addresses and telephone details of three referees whom we have permission to contact.

- Names and contact details of peer reviewers (academic and research).
- Self-evaluation.
- Teaching portfolio.

CLOSING DATE: 14 October 2022

No application will be considered after the closing date, or if it does not comply with at least the minimum requirements.

ENQUIRIES:

Jeanette Schoeman 012 420 2213/5488 for application-related enquiries.

Prof J Pillay (012) 420 2322 for enquiries relating to the post content.

Should you not hear from the University of Pretoria by 31 January 2023, please accept that your application has been unsuccessful.

The University of Pretoria is committed to equality, employment equity and diversity. In accordance with the Employment Equity Plan of the University and its Employment Equity goals and targets, preference may be given, but is not limited to, candidates from under-represented designated groups.

Kindly note that this post is supported by the Nederduitsch Hervormde Kerk van Afrika (NHKA).

All candidates who comply with the requirements for appointment are invited to apply. By applying for this vacancy, the candidates consent to undergo verification of personal credentials and related information including, but not limited to, qualifications, criminal record, credit record, current and historic disciplinary proceedings as part of the selection process.

The University of Pretoria reserves the right to not fill the advertised positions.

- **Werkruimte vir deeltydse bediening: Gemeentes Vryheid en Utrecht.** Na die vertrek van ds JH Kay het hierdie werkruimte vakant geraak. Hiermee word die werkruimte bekendgestel en belangstellende predikante versoek om kennis te neem en met dr Piet Steenkamp in verbinding te tree.

Aard en omvang. Van die predikant word verwag om die werkruimte vir **nege dae per maand** te beset. **Huisvesting** vir die periode word voorsien in 'n toegeruste woonstel in die skoolkoshuis **in Vryheid**. Etes is ingesluit. Van die predikant word verwag om op 'n Vrydag na Vryheid te reis en **eredienste in Utrecht en Vryheid** te lei. Gedurende die week tussen die twee Sondae sal die predikant in Vryheid 'n pastorale funksie verrig, veral gefokus op lidmate van die gemeente wat kerklos geraak het. Eredienste sal ook op die tweede Sondag in albei gemeentes gelei word. Indien daar 'n behoefte in Utrecht bestaan, sal van die persoon verwag word om ook in Utrecht pastorale werk te verrig.

Utrecht. Die gemeente bestaan uit ongeveer 17 aktiewe lidmate, waarvan die meerderheid bo 60 jaar oud is. Utrecht se kerkraad verwag slegs eredienste, en indien dit nodig is en daar 'n spesifieke behoefte bestaan, sal van die predikant verwag word om pastorale aandag aan dringende nood te verleen.

Vryheid. Die gemeente bestaan uit ongeveer 60 lidmate, waarvan die meerderheid ook bo 60 jaar oud is. Die kerkraad van Vryheid verwag van die predikant om eredienste te lei en om gedurende die week lidmate wat as gevolg van die vertrek van ds Kay kerklos geraak het, te besoek met die doel om hulle weer aktief by die gemeente in te skakel.

Eredienstye. Utrecht 08:00; Vryheid 10:00. Albei kerkrade verwag van die predikant om goed gefundeerde preke aan te bied wat motiverend en leersaam van aard is. Die verwagting is ook om die liturgie in te rig binne die raamwerk van die NHKA se beskouing van die erediens as viering van God se genade.

Gesprek. Die kerkrade van die gemeentes en die Ringskommissie van Noordelike Natal sal 'n voorafgesprek met elke belangstellende persoon voer.

Die predikant sal in albei gemeentes bevestig word.

Oorsig en evaluasie van werksaamhede. Die werksaamhede van die predikant sal sesmaandeliks geëvalueer word ten einde die sinvolheid van die bediening te oorweeg en om vas te stel of positiewe uitkomst bereik word. Die kerkrade van die gemeentes sal in oorleg met die Ringskommissie sodanige evaluering onderneem.

Vergoeding. Die predikant sal vergoed word deur 'n enkele kontantbedrag te voorsien wat deur albei gemeentes en die Ringskommissie bekostig sal word. Die vergoeding word vasgestel binne die raamwerk van finansiële bekostigbaarheid van die drie vennote wat die fondse voorsien.

Navrae kan gerig word aan dr Piet Steenkamp by 082 789 1398.

Vergaderings

- Sondag 2 tot Donderdag 6 Oktober: 73ste AKV
- Dinsdag 11 Oktober: TOIBO Dagbestuur
- Donderdag 13 Oktober: ADV Finkom

Bybelgenootskap

- **Poste beskikbaar vir Deeltydse Ambassadeurs in die BSA se Noordelike Streek (ou Transvaal-gebied).**

Die Bybelgenootskap van Suid-Afrika (BSA) se missie is om bekostigbare Bybels in al die tale van die mense van Suid-Afrika beskikbaar te stel. Die BSA is een van 150 Bybelgenootskappe in die wêreld. Daar bestaan 'n lang en noue vennootskap tussen die BSA en die NHKA. Die uitkoms van die proses van herstrukturering in die BSA was onder andere dat die voltydse organiserende sekretarisse vervang word met deeltydse ambassadeurs.

Posbeskrywing

Die pos is daarop gemik om die verhouding van die BSA met gemeentes van die NHKA in stand te hou en te versterk. Van die persoon word verwag om ten minste twee dae (16 uur) per week aan die werk van die BSA af te staan. Dit sluit in twee besoeke per maand aan gemeentes op Sondae, die bywoon van ringsvergaderings, betrokkenheid by fondsinsamelingsprojekte, en die uitbreiding van die Kerk se donateursbasis. Die persoon werk van die huis af. Aan die pos is 'n vergoeding van ten minste R18 000 per maand gekoppel, met die moontlikheid van verhoging namate die pos uitbrei.

Die inkomste vanuit die NHKA maak voorsiening dat twee deeltydse ambassadeurs namens die Kerk in die Noordelike Streek van die BSA aangestel kan word.

Posvereistes

- Gelegitimeerde predikant van die NHKA jonger as 65 jaar.
- Kennis van en betrokkenheid by die vennootskap tussen die Kerk en die BSA.
- Goeie kommunikasievaardighede in Afrikaans en Engels.
- Goeie menseverhoudings.
- Goeie organisasievermoë en leierskapsvaardighede.
- Positiewe gesindheid teenoor en kennis van die werk van die BSA.
- Kreatiewe denke en vaardighede.

Die aanstellings word gemaak deur die BSA in samewerking met die Kommissie van die AKV van die NHKA. Die **sluitingsdatum vir aansoeke is 31 Oktober 2022** en diensaanvaarding geskied op 1 Januarie 2023 of so gou moontlik daarna. Die reg word voorbehou om nie 'n aanstelling uit die aansoekers te maak nie.

Aansoeke moet vergesel word van 'n kort CV en motivering waarin aansoekers aandui hoe daar aan die posbeskrywing en posvereistes voldoen word, en kan gestuur word na lindeque@biblesociety.co.za.

Studentesake

- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.
- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.

'n Gedig

Reënvrou

Die wind vleg jou hare
en waai jou oë skoon.

Jou geur vee oor die grond,
jy glip en gly oor klippe,
oor berge sleep jou rok se some,
jy hoor die aarde se hart sing,
wals op jou tone deur die bome,
kielie klanke uit die voëls se kele.

Jy keer jou kruike op die aarde om
en stryk die grond se plooi glad,
maak die ploegvore blinknat
vir gewasse om welig op te kom.
Jy rol spriete soos groen tapyte oop
en visse glinster waar riviere loop.

Hoe lieflik is jou voete
wat op die bergspitse dans.

Cas Vos

(Uit: *Enkeldiep*, 2003)

Toerusting

- Die Hervormde Teologiese Kollege (HTK) bied 'n geleentheid om na **prof Jaco Hamman** te luister. Hy beskik oor uitstekende kennis ten opsigte van die sogenaamde *millennials*. Hy is Suid-Afrikaans gebore en is tans werksaam as direkteur van die departement Teologie en Praktyk by die Vanderbilt Divinity School. Hy is die outeur van verskeie boeke, onder andere *The Millennial Narrative: Sharing the Good Life with the Next Generation* (Abingdon Press, 2019). Belangstellendes kan die **lesing sonder koste aanlyn** bywoon. VBO-krediete sal toegeken word. Vind die **Zoom-skakel** in die advertensie op die volgende bladsy.
- Gaan na **Lalasin Digital Online Magazine Edition 3** om die derde uitgawe van die gratis tweetalige **aanlyn tydskrif Lalasini** te geniet. **Dr Piet van Staden** (emeritus/Worcester) is die redakteur. Die redaksie streef na Cicero se *ruimheid van gees* (*nobilitas animi*), wat die beste in mense na vore bring. Lees in hierdie uitgawe artikels oor onder meer Dullstroom, 'n reis van Kaapstad na die Kgalagadi en die Augrabies, die drastiese afname in pikkewyngetalle, en die interessante geskiedenis van Khoekhoen-Afrikaans.





Fondsinsamelings

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Allegaatjie

“... ons benodig meer as iemand se tegnologiese teenwoordigheid om werklik méns te wees. Niks op aarde kan interaksie tussen twee rêrige mense vervang nie. Só herken ons van aangesig tot aangesig die kreukels om die oë van ons ouers, weet ons hoe ruik Ouma se oliekolonie en Oupa se pyptabak. Ons het nodig om ons arms om ons geliefdes te sit. Ons het nodig om die breedte van hul skouers af te tas, om te weet hoe voel die handgebreide trui van ’n suster as jy haar omarm, of die skuur van ’n pa se baard wat ons wang krap wanneer ons mekaar groet. Ons het nodig om ’n kind se asem in ons nek te voel as hulle op ons skoot aan die slaap raak. Jy sien, die mensdom is gemaak om mekaar eerstehands te ervaar, te sien, te hoor, te voel en – les bes – mekaar te *hug*. Dis die één ding wat ons mens maak.” (Coenie de Villiers, in *rooi rose*, Oktober 2022)

Barmhartigheid

- **Athalia Uitreik in Bloemfontein**
Verblyf vir en versorging van bejaardes en persone met gestremdhede
 Enkel- en deekamergeriewe in ’n huislike atmosfeer
 Verblyf met 3 etes ingesluit
 Verblyf sonder versorging R1 700 per maand
 24-uur-versorging onderhandelbaar
 (maksimum R8 000 per maand deekamer)
 Navrae: 079 826 6363 / 084 023 0315 / 051 522 6089
navrae@athalia.co.za
www.athalia.co.za
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. ’n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen

R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord**

Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*Bachelor*): R510 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Navrae: Salomie Stolz 012 329 4318 / 083 308 0520



Betaalde advertensies in hierdie nuusbrieff

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

Meer besonderhede oor advertensies kan aangevra word van produksie@nhk.co.za.

Gebed vir die week

God van Liefde,
U is met ons in elke oorgang en verandering.
Terwyl ons nou hierdie nuwe era betree,
opgewonde en tog ook angstig,
dink ons opnuut aan u oneindige deernis,
u teenwoordigheid,
en u onmeetlike liefde.
Ons dank U vir die gawes, talente en vaardighede
waarmee U ons geseën het.
Ons dank U vir die ervarings wat ons tot hier gebring het.
Ons dank U vir die insette van ander
wat aan ons werk diepte en betekenis gee.
Wees met ons terwyl ons vorentoe gaan.
Laat ons mekaar ondersteun,
en laat ons ons verheug in U, ons Skepper.
Ons vra dit in u Heilige Naam.
Amen.

Joseph P Shadle
womansday.com

(Afrikaanse verwerking: Tessa Oppermann)